

UMJETNOST Da cijela država vidi program ovogodišnje filmske smotre

Projekcija filmova s 31. Sarajevo Film Festivala u Mostaru

U srijedu, 10. septembra, na rasporedu je film „Otići jednog dana“

Sarajevo Film Festival (SFF) i ove godine nastavlja predstavljati dio svog programa u nekoliko gradova i općina, s izborom

REALIZACIJU

reprize dijela programa 31. Sarajevo Film Festivala podržava Federalno ministarstvo okoliša i turizma

filmova iz programa 31. izdanja Festivala, a program u Mostaru bit će održan od 10. do 14. septembra na platou Tržnog centra Plaza.

U slučaju kiše

Filmovi će se svakog dana početi prikazivati u 21 sat, a u slučaju kiše

projekcije će biti održane u Cineplexx Plazi Mostar, saopćeno je sa SFF-a.

U srijedu, 10. septembra, na rasporedu je film „Otići jednog dana“ (Francuska, 2025, redateljica Amelie Bonnin), dok će u četvrtak, 11. septembra, biti prikazan dokumentarac „Blum: Gospodari svoje budućnosti“ (BiH, 2024, redateljica Jasmina Žbanić).

“Plava staza”

Petak, 12. septembra, donosi dramu „To je bila samo nezgoda“ (Iran/Francuska/Luksemburg, 2025, redatelj Jafar Panahi), a u subotu, 13. septembra, publika će moći pogledati kriminalistički film „Dosje 137“ (Francuska, 2025, redatelj Dominik Moll).

Program završava u



Projekcije u Sarajevu su bile izuzetno posjećene

nedjelju, 14. septembra, projekcijom brazilsko-meksičko-čilean-

ske-nizozemske koprodukcije „Plava staza“ (redatelj Gabriel Mascaro).

Projekcije u Visokom održavaju se od 25. do 28. avgusta, u Zenici od 28. do

31. avgusta, u Jajcu od 4. do 6. septembra.

E. T.

U Galeriji „Preporod“ od 3. septembra

Izložba slika mladog Haruna Behmena

Behmen je učesnik mnogih kolonija i izložbi, a kao student bio je nominiran za nagradu „Alija Kučukalić“

Harun Behmen slikar je za kojeg kažu da njegovo vrijeme tek dolazi i za kojeg će se tek čuti, a to potvrđuje i činjenica da će samostalnu izložbu održati u Galeriji „Preporod“ u Sarajevu. Svečano otvorenje izložbe „Veo tajni“ zakazano je za srijedu, 3. septembra, gdje će biti postavljena sve do 21. septembra.

- Dragi moji prijatelji, poznanici i ljubitelji umjetnosti, pozivam vas na svoju samostalnu izložbu pod nazivom 'Veo tajni'. Ova izložba je poziv da pogledom osjetite neispricani doživljaj i zaronite u vašu refleksiju sa umjetničkim djelom. Izložbe su najbolji način da slikari prezentiraju svoj rad. Radujem se vašem dolasku i susretu. Izložba će se održati u sklopu manifestacije: Olimpijada kulture Sarajevo 2025. IX Festival GRAD Moto: Inside/Outside – poručio je Harun



Plakat izložbe „Veo tajne“

Behmen.

Inače, Behmen je učesnik mnogih kolonija i izložbi, a kao student bio je nominiran za nagradu

„Alija Kučukalić“. Behmen je studirao u klasi Natalije Andreeve Saliho- vić.

E. T.

Na osnovu člana 21. Zakona o državnoj službi u institucijama Bosne i Hercegovine (Službeni glasnik BiH, br. 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10, 40/12, 93/17 i 18/24), Agencija za državnu službu Bosne i Hercegovine, na zahtjev Ministarstva za ljudska prava i izbjeglice Bosne i Hercegovine, raspisuje

JAVNI OGLAS

za popunjavanje radnih mjesta rukovodećih državnih službenika u Uredu zastupnika/agenta Vijeća ministara Bosne i Hercegovine pred Evropskim sudom za ljudska prava -

Ministarstvo za ljudska prava i izbjeglice Bosne i Hercegovine

1/01 Zastupnik/agent Vijeća ministara Bosne i Hercegovine pred Evropskim sudom za ljudska prava, broj izvršilaca: tri (3)

Integralni tekst javnog oglasa je objavljen na službenoj internet stranici Agencije za državnu službu Bosne i Hercegovine www.ads.gov.ba i službenoj internet stranici Ministarstva za ljudska prava i izbjeglice Bosne i Hercegovine www.mhrr.gov.ba sa krajnjim rokom za podnošenje prijave 15.09.2025. godine.

Bosna i Hercegovina
Federacija Bosne i Hercegovine
Kanton Sarajevo

Bosnia and Herzegovina
Federation of Bosnia and Herzegovina
Canton Sarajevo

Općina Stari Grad Sarajevo

Municipality of Stari Grad Sarajevo

OBAVJEŠTENJE O RASPISIVANJU JAVNOG KONKURSA

Općina Stari Grad Sarajevo, putem Stručne službe kabineta Općinskog načelnika, obavještava da je raspisan Javni konkurs za imenovanje predsjednika i članova Skupštine JKP „Općine Stari Grad“ d.o.o.

Javni konkurs ostaje otvoren 14 (četnaest) dana od dana posljednje objave.

Kompletan tekst javnog konkursa sa detaljnim uslovima i načinom prijave dostupan je na zvaničnoj web stranici www.starigrad.ba.

Broj: 01-04-4-2386/25

Sarajevo, 26.08.2025. godine

Stručna služba kabineta Općinskog načelnika